

KONTROL MOZIOA

ZMARE-REN EMAKIDAN ANTZEMANDAKO IRREGULARTASUNAK

EH BILDU udal taldeko zinegotzi Ricardo Burutaran Ferrék, Udalbatzaren Organo Araudiaren 134. artikulua ematen duen babesa aintzakotzat hartu eta Zmare-ren emakidan antzemandako irregulartasunen gaineko **KONTROL MOZIO** hau aurkeztu nahi dio Udalbatzari, Ogasuneko Batzordeak 2025eko martxoaren 10ean izan zuen bileran egindako interpelazioaren ondorioz.

JUSTIFIKAZIOA

2025eko otsailaren 5ean, Kostaldeen Zerbitzuaren Gipuzkoako Ordezkaritzak 2025eko otsailaren 3an hartutako ebazpena jaso zen. Ebazpen haren bidez, zehapen-espedienteak ireki zioten Udalari, Zurriola pasealekuko ZMAREren emakidaren baldintzak ez betetzeagatik. Dirudienez, 2024ko irailaren 16ko salaketa dela-eta jarri zen abian espediente hori.

Espedienteak hasteko ebazpenak jartzen du, instruktoreak egindako kargu-orrian adierazitakoaren arabera, 9 ez-betetze antzeman zirela. Hala, irekitako arau-hauste espedienteak zehapena jartzea proposatzen du antzemandako 9 ez-betetze horiek direla-eta, eta gauzak arau-haustearen aurreko egoerara lehengoratzeko eta itzultzeko errekerimendua ezartzen du, bai eta legez kontra lortutako irabazi guztiak itzultzeko betebeharra ere. Hori guztia kontuan hartuta, 584.337,60 euroren kalkulua egin dute.

Kostaldeen Zerbitzuaren ebazpen horren aurka alegazio-idazki bat aurkeztea onartu zuen Tokiko Gobernu Batzarra.

Pertsonak, Ekonomia eta Aurrekontua Kudeatzeko zinegotzi eskuordedunari horren gainean galdetu, eta erantzun zigun fede on handitxoak jokatu zutela, eta onartu zuen ez zutela batere bisitarik egin emakidaduna emakida arautzen duten agiritan jarritako betebeharrak betetzen ari zen egiaztatzeko. Nolanahi ere, ezin izan zuen azaldu, edo ez zuen azaldu nahi izan, zergatik, baldintza-agiriak agindutakoak ez zirela bete jakin ondoren, ez zuten ustezko arau-haustearen aurkako zehapen-espedienteak ireki.

Lehen esandako batzordearen bilera izan eta gero, komunikabide baten bidez jakin ahal izan dugu Udal Gobernuak "iragarri" duela "bost eguneko" beste epe bat emango duela "ez-betetzeak zuzentzeko". Hauxe zioen albisteak zehazki: «Hala egin ezean, lokala kudeatzen ari den ABEEa haren kontrako zehapen-espedienteak irekitzeko arriskuan izango da».

Informazio horren edukiak bi aldiz harritu gaitu. Formagatik, aurrena. Izan ere, prentsan adierazi baitzuten batzordean esan ez zutena. Eta edukiagatik, hurrena. Oraindik eta harrigarriagoa delako Udal Gobernuak muzin egiten segitzea Zmare-ren emakidadunaren aurka zehapen-espeditentea irekitzeari; kontuan izanda, gainera, Udalak Gipuzkoako Kostaldean Zerbitzuari aurkeztutako alegazioetan emandako arrazoibideetan arau-hausteak ABEE emakidadunak egin zituela jartzen zuela.

Hori dela eta, hauxe da nire **KONTROL MOZIOA**:

- 1.- Udalbatzak Udal Gobernuari hertsatuki eskatzen dio begiratzeko eta, jarri gabe badira jartzeko, Udalak onartutako emakidetan izaten diren baldintza-agirietan ezarritako baldintzak zenbateraino betetzen diren kontrolatzeko eta egiaztatze formulak.
- 2.- Era berean, Gobernu Taldeari hertsatuki eskatzen dio Zmare aperture emakidadunak arau-hauste bat baino gehiago egin ote duen jakin eta gero, ez egoteko, eta lehenbailehen irekitzeko horri dagokion zehapen-espeditentea.

Donostia, 2025eko martxoaren 20a

Izpta.: Ricardo Burutaran Ferré,
EH Bildu udal taldeko zinegotzia